

S. D. N. D. GREGORII PP. XIII

INNOVATIO

Censurarum & pœnarum quas sc̄el. recordat.

Bonifacius Papa viii. edidit contra paci-

scentes seu dantes & accipientes aut

promittentes & acceptantes pro

expeditionibus gratiæ vel ius-

sitiæ, & ipsarũ extensio.



Gregorius Episcopus servus servorum Dei,

ad perpetuam rei memoriam.



A B IP SO Pontificatus nostri principio quam maxime possumus enitumurati; contendimus; ut domus & curia nostra à sordibus expurgetur. Qui rei salubri consilio incumbens sc̄el. record. Bonifacius papa viii. excommunicavit & anathematizavit omnes Clericos, Religiosos, & Laicos vtriusque sexus, siue familiares Curie, siue vndeunque alios, qui aliquod pactum facerent; seu quid parum vel magnum promitterent; vel promissionem reciperent; aut ex pacto vel promissione occultata vel manifesta, siue sub verbis generalibus & plenè non expressis, siue specialibus & aperte expressis facta, quicquam darent aut reciperent pro iustitia, siue gratia, siue pro se, siue pro alio, in causis vel iudicijs, seu aliàs per literas apostolicas, & quibuscuque alijs modis apud sedem apostolicam obtinenda: & eam sententiam ad promittentes & acceptantes, dantesque & accipientes duxit extendendam. Illos etiam qui sibi intra triduum non renunciarent eum, quem in culpa esse scirent, vel alicui per quem ad te fideliter referretur, simili voluit sententiæ sub.


Subiacere. Ac decreuit, ut nullus hanc incurrens excommunicationis sententiam, absq; speciali mandato suo absolutionis beneficium valeat obtinere nisi in mortis articulo constitutus: Sed nec quisquam admitteretur ad absolutionis gratiam, nisi prius rogatum esset pauperibus quantum ille dedisset, vel etiam recepisset. Iustitiae vero, siue gratia expeditiones sic obtentae nullius proflus essent roboris vel momenti: & scienter illis videntes simili sententia innotauit: ac referuans sibi absolutionem eorum cum predictis ad poenas similes in omnibus obligauit. Sed hoc scelus ita hodie in mores inductum est, vt plerique cupiditate improbi quæstus potentiorum suffragationibus adnixi huiusmodi negotiorum expeditiones hac illac conquirentes impissime nundinentur. Alij alios, quos gratia prestare arbitrantur, donis pollicitationibusq; ambiant. Quidam etiam se talium operam atque industriam pretio & muneribus quesuisse asingant. Quæ cum pessima sint; & Curie predictæ existimationem grauissime offendant; in eos qui talia agunt animaduertendum fore arbitrati, Constitutionem prædictam cum suis censuris & penis omnibus innouamus: easdemque omnes extendimus ad audentes qualescunque horum facinorum quæ adscriptimus, dantesq; illis & alijs supradictis auxilium, consilium, vel fauorem. Quinetiam eos omnes omni beneficio, & officio ecclesiastico & seculari, siue temporali siue perpetuo, ipso iure priuamus, ac priuatos esse declaramus: & præterea infamia subiecto ac inhabiles ad illa & alia esse volumus. A quibus etiam, prout quæque res erit, tales poenæ exigantur, quæ cæteris sint exemplo. Illis tamen qui rem adhuc incognitam, complicesque, ac fautores, & socios retexerint; impunitas concedatur. Dat. Romæ apud Sanctum Petrum Anno Incarnationis Dominicæ Millesimo quingentesimo septuagesimo quarto. Nonis Nouembris, Pontificatus nostri Anno Tertio.



M. Datarius.



Cz. Glorietius.



A. de Alexijs

Gregorius Episcopus seruus seruorum Dei

Anno a Natiuitate Domini Millesimo quingentesimo septuagesimo quarto, Indictione secunda, Die vero octaua mensis Nouembris, Pontificatus Sanctissimi in Christo patris & domini nostri domini Gregorij diuina prouidentia papæ xij. Anno Tertio, retrospectæ literæ apostolicæ amixæ & publicatæ fuerunt ad valvas Basilicarum sancti Ioannis Lateran. & principis apostolorum de Vrbe, necnon Cancellariæ apostolicæ, & in acie Campi Floræ per nos Alexandrum Astancolum, & Antonium Clerici Sanctissimi Domini nostri Papæ Cursores.

Petrus Aloysius Gayta magister curi.

Registrata apud Cæsarem Secretarium.

ROMÆ, Apud Hæredes Antonij Bladij Impressores Camerales. 1574.

[Faint, illegible text at the bottom of the page, likely bleed-through or a secondary document.]